



Palle Christiansen, Demokraatit
-/ Maani

Immap naqqatigut kabelip atornerarnerani pillugu § 37 tunngavigalugu apeqqummut akissut

Asasara Palle Christiansen

Nalunaarusuartaateqarnikkut aqqissugaaneq pillugu apeqquinnut qujanaq. Apeqquutit tullerriaarneri malillugit akineqassapput. Apeqquutit akineqarnerinut atatillugu allaffeqarfinga TELE-POST-imik aamma Nalunaarusuartaateqarneq pillugu Aqutsisoqarfimmut atassuteqarsimavoq.

16-09-2013
Sags nr. 2013-088127
Dok. nr. 1336463

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl

1. Imaatigut kabelip ilaa qanoq annertutigisoq ullumikkut atornerarpa?

TELE-POST-imit uppersarsarneqarpoq eqqortuusooq immap naqqatigut kabelip piginnaasaata ilimasat malillugit 1 promillip missaannaa ullumikkut atornerartoq.

TELE-POST ilisimatitsivoq, 2009-mi immap naqqatigut kabelimut aningaasaliisoqarmalli, piginnaasaq 2.500 Gbit/s-imut naatsorsorneqarsimasooq. Nassiussinermi tigusinermilu atortuni kingusinnerusukku teknikkikkut ineriartornerup, kabelip illuini marluusuni nalunaarutiinik allangortitsinissamut atornerartartut, kingunerisaanik ilisimasat malillugit piginnaasaq taanna annertunerujussuannorsimavoq. Immap naqqatigut kabelitigut aqut ullumikkut taamaalilluni 7.680 Gbit/s-imik ilisimasat malillugit piginnaasaqarpoq.

Immap naqqatigut kabelimik atuineq annertusinniarlugu nunami nassiussinermi tigusinermilu atortutigit aningaasaleeqqittoqassaaq. Taakku saniatigut nunatsinni nalunaarusuartaateqarnikkut aqqissuussinerup ineriartortinnissaa pisariaqalersimavoq, taamatut angallannerup annertusinera iluaqutigisinnajumallugu. TELE-POST aamma islandimi immap naqqatigut kabelitigut neqerooruteqartumi piginnaasap ilaanik annertuumik attartortariaqarsimavoq.

Piginnaasap ilaanik malunaatilimmik annertunerusumik tamarmiusumilluunniit atuniaraanni taamaalilluni annertuunik aningaasaliinissaaq pisariaqassaaq.

Taakku saniatigut TELE-POST ilisimatitsivoq maannakkut ineriartorneq ukiumi ataatsimi 60 %-ip missaani annertusiartornera ingerlaannassappat immap naqqatigut kabelip piginnaasaa tamarmiusooq ukiut 15-t qaangiuppata iluaqutigineqalissasoq.

2. Naalakkersuisut naliliippat, imaatigut kabeli atorlugu qarasaasiakkut attaviit annerpaamik atornerartut?

Unaminartut qulaani taaneqartut saniatigut Naalakkersuisut isumaat tassaavoq atuinerup annertussusa maannakkut akuersaarnartuusooq.

Taamaattorli amerlanerusut internettimut atassuserpata aamma piginnaasaq pitsaanerusumik atornerarpat tamanna inuiaqatigiinnut annertuumik iluanaarutaasinnaasoq. Immap naqqatigut kabelip qanoq suli pitsaanerusumik atornerarsinnaanersoq Naalakkersuisunit ingerlaavartumik isiginiarneqassaaq.

3. Naalackersuisut pilersaaruteqarpat illoqarfiit amerlanerit imaatigut kabelimut attavilerniarlugit, taamaassimappat sorliit eqqarsaatigineqarpat?

Nalunaarasuartaateqarnermut tunngasunik ulloq 16. septemberimi isumasioqatigiittoqassaaq, aqqissugaanermi siunissami aningaasaliinissat sammisassat ilagisussaallugu.

Taamatut immikkoortumi ineriartornermik misissuisussamik naalackersuisoqarfiit susassaarfii akimorlugit suleqatigiissitamik pilersitsisoqarpoq.

TELE-POST ilisimatitsivoq Nuummiit avannamut immap naqqatigut kabelip tallineqarnissaanut teknikkikkut aningaasatigullu periarfissanik ingerlatseqatigiiffik misissueqqissaalersimasoq 2014-milu immap naqqani pissutsinik misissuisussaalluni.

Misissueqqissaarnermiit inernerit sunnuteqassapput immap naqqatigut kabelimik ikkussinissamut teknikkikkut aningaasaqarnikkullu ajornannginnersoq, imaluunniit taarsiullugu radiut atassuteqaqatigiiaat annertusarneqassanersut.

4. Naalackersuisut qanoq eqqarsarpat imaatigut kabelip pisinnaasaasa tamakkiisumik atulernissaannut peqataanillu qulakkeerlugu innuttaasut sapinngisamik annerpaamik internetimik pisalenissaat?

Nunatsinni qarasaasiaqarnikkut aqqissuussinerit pitsaanerpaamik iluaqutiginerisa qulakkeerneqarnissaat Naalackersuisunit isiginiarneqarpoq. Inuiaqatigiinni qarasaasiatigut annertunerusumik atuilerneq namminersortunut pisortallu ingerlataqarfiinut annertunerusumik ineriartornermik kinguneqassaaq.

Ukiut kingulliit ingerlanerini internettimi akit sakkortuumik appariarput. Ineriartorneq, naatsorsuutigineqarpoq, ingerlaannassasoq. Taamaalilluni Nuummi aamma Qaqortumi akimik aalajangersimasumik (flatrate) nioqqutissiat atorneqalerput, atuisartunilu allani atuinerup annertussusaa annertuumik annertusisimalluni. Tamanna internettimik atuinerup sakkortuumik qaffariarneranik kinguneqareerpoq. Internettimi akit appartinnissaanut Naalackersuisut suli sulissuteqassapput.

Peqatigisaanik avammut ammanerulersitsinerup kinguneraa internettimik neqerooruteqartut nutaat inuussutissarsiortunut sullissinissaminnik neqerooruteqartalerneqat, naatsorsuutigineqarsinnaallunilu nunami sumiiffinni amerlanerusuni namminersortut neqerooruteqartut amerlanerusut akornanni qinigassaqaqalernissamut qanittuklut periarfissaqaqalissasut.

Tamatuma saniatigut IKT-mi periusissamik sulinerneq Naalackersuisut ingerlaqqipput, qarasaasiatigut aqqiinerit atuinerup annertusinera isigineqarluni ilaatigut peqqinnissaqarfimmi, innuttaasunik sullissinermi aamma ilinniarfeqarfimmi.

Assersuutigalugu taaneqarsinnaavoq assigiissaarineq aamma pisortani video atorlugu ataatsimiinnerit annertunerusumik atorneqartarnissaat sulissutigineqarpoq, tamanna peqqinnissaqarfimmi innuttaasunillu sullissinermi atorneqarsinnaalluni. Taamatut suliniuteqarnerit internettimik atuneq annertusissavaat, tamatumalu kingunerisaanik piginnaasamik atuinerusoqalerluni.

Oqaatigineqartutulli immap naqqatigut kabelip ilisimaneqartutut piginnaasaa aqqissugaanerup ilaannarimmagu pisariaqarpoq tamanna maluginiassallugu. Piginnaasaaq tamarmiusoq atorsinnaajumallugu taamaalilluni nassiussinermi tigusinermilu atortunik pisinnaasaaq pisariaqarpoq kiisalu illoqarfimmi attaveqaataasut nutarterneqarlutik.

Neriuppunga immap naqqatigut kabeli aamma nunami qarasaasiaqarnikkut
aaqqissuussanik atuneq pillugu apeqqtinnut qulaaniittutigut akissuteqarlunga.

Inussiarnersumik inuulluaqqusillunga



Steen Lyng